



UNIVERSITÄTS-
BIBLIOTHEK
PADERBORN

Universitätsbibliothek Paderborn

Ephemerologivm Ecclesiastio-Rubricisticum Novum

Halden, Johann Baptist

Brixinæ, 1717

Titulus LX. De Dominica XXIII. post Pentecosten.

urn:nbn:de:hbz:466:1-39937

Normam præcedentium Dominicarum post Pentec: observando ea, quæ Dominicâ, ac Hebdomadâ III. post Pentecosten, nec non paulò antè Titulo proximè præcedente in medium sunt allata: unum tamen quoad *hanc Dominicam* specialiter monendum occurrit; quòd scil. quando hæc Dominica incidit in *Festum S. Martini* Episc: ac Conf: (uti factum 1696.) vel in *Diem*, quò ex præcepto Superioris Ecclesiastici dicenda est, pro publica v. g. necessitate, Oratio: *DEUS Refugium &c.*, in priori Casu in *Missâ* de S. Martino, habente eandem Secretam cum Dominica XXII. simul occurrente, & exigente sui Commemorationem in *Missâ* de Festo duplici, Oratio Secreta pro Dominica XXII. sumenda sit ex *Missâ* Dominicæ XXIII. post Pentec: in posteriori autem casu, quò dicta Dominica, aut etiam simul *Festum S. Martini* incidit in tempus, quò dicenda etiam esset Oratio: *DEUS Refugium*, locò hujus Orationis dicenda sit cum correspondente sibi *Secreta*, ac *Postcommunione* Oratio eam proximè sequens, pro *quacunquè Tribulatione* inter

Orationes ad diversa sub hoc Titulo posita in *Missâ*, ac ità incipiente *Ne despicias omnipotens DEUS &c.*: quæ enim Oratio *Missæ* Dominicæ XXII. post Pentec: non est diversa ob Oratione *DEUS Refugium*, & correspondens huic *Secreta*, ac *Postcommunione* etiam illa ipsa *Secreta*, & *Postcommunio*, quam habet illa Dominica, ibi juxta Rubricam Gen. VII. *Missæ* n. 8. posterior Oratio (idem est Oratione *Secreta*, & de Oratione pro *Communione*) commutanda est etiam alia diversa, & quidem eâ, quam dicitur in utroque casu, ut ex cit: Rubricâ Tit. I. P. I. Tit. 7. n. 8. Lit. Q. probat. *Gen. VII. n. 8. Lit. Q.* Si Dominica post Pentec: fuerint solummodo viginti tres, tunc locò Dominicæ sequentis vigesima tertiæ (hoc est ultimæ illius anni) ponitur eâ Dominicâ *Officium* in *Missâ* Dominicæ XXIV. *Officium* autem Dominicæ XXIII. cum sua *Missâ* ponitur in Sabbato præcedente non impedito Festo 9. *Lectio* autem alioqui Feriâ VI. vel, si etiam hæc sit impedita, tunc alia proximè anteriori, infra hanc tamen Hebdomadam, Modò ac Ritu mox referendâ

TITULUS LX.

De Dominica XXIII. post Pentecosten.

SI Dominica XXIII. non fuerit & de ea eòdem omnino proportione ultima post Pentecosten, tunc liter modò ac Ritu, quò in Dominica *Officium* ac *Missâ* sicut in ea, præcedentibus post Pentecosten; &

verò hac Dominica fuerit ultima post Pentecosten [quod ijs contingit annis, quibus Paicha incidit in diem 24. vel 25. Aprilis] tunc, quia ultimum locum inter Dominicas post Pentecosten [ob Rationem infra afferendam] semper debet obtinere Officium Dominicae XXIV. post Pentec: juxta Rubricam huic Dominicae praefixam eò annò poni Dominica XXIV. post Pentec. & de ea Officium ac Missa, fieri, ut ibi, aut, si in eam incidat Festum aut Officium Duplex, saltem fieri Commemoratio, cum 9. Lectione de ead: in Officio, ac ultimo Evangelio in Missa; Officium autem Dominicae XXXIII. post Pentecosten juxta eandem Rubricam tunc ponitur unà cum sua Missa in Sabbato proximè praecedenti, non impedito Festò 9. Lect: aut si Sabbatum illud ejusmodi Festò 9. Lect. sit impeditum, Ferià VI. illius Hebdomadae similiter non impedità, dicendo tam Officium, quam Missam de illa modo mox referendò. Quòd si autem tam Ferià VI. quam Sabbatum ejusmodi Festò sit impedita, tunc in aliquà alià Ferià illius Hebdomadae, semper tamen illà, quae ex non impeditis vicinissima est Sabbato, ut ex Rubric: Gen. IV. Breviar: n. 4. probat Gavant. Dixi autem: Sabbatò, aut Ferià non impedità Festò 9. Lectionum; nam sicut Officium Simplex B.V. in Sabbato alioquin occurrens, non impe-

dit, quò minus in tali Sabbato Officium ac Missa de ejusmodi Dominica anticipata fieri possit, ac debeat locò Officij de B. V. in Sabbato, ita etiam Festum Simplex, in Sabbato, aut alià Ferià Festò 9. Lectionum non impedità in ejusmodi casu occurrens, non impedit, quò minus in Sabbato, aut, hòc impeditò, in alià ejusmodi Ferià Officium fiat de Dominica anticipatò ponendà, ut rectè monet Gav: Tom. 2. S. 3. c. 5. n. 9. & 10. facienda tamen tunc est Commemoratio (sine Lectione) de Festo Simplici occurrente. Officium autem de Dominica XXIII. post Pentec: in casu talis ad Sabbatum, aut Feriam aliam anticipationis non est faciendum Ritu Semiduplici (ut alioquin fieri solet in Dominicis, quae propria sua die ac Sede per annum celebrantur) sed Ritu tantum Simplici, ac Feriali, dicendo nimirum omnia in Officio (etiam Versum tam ad Matutinum, quam ad Laudes) de Sabbato, aut Ferià corrente, ut in Pfalterio, exceptis 3. Lectionibus Nocturni, quae omittis, vel translatis (si sint Initium aliquod) Lectionibus Scripturae illius Feriæ, dicantur de Homilia Dominicae XXIII. cum Responsorijs tamen Feriæ currentis; Antiphonà quoque ad Benedictus pariter exceptà, quae, uti & Oratio Officij, dicitur de eadem Dominica XXIII. post Pentecosten, cum Commemorazione Festi Simplicis in
M m 2 Lau.

Laudibus, si quod occurrat, huic autem, vel (si nullum occurrat Festum Simplex) *Orationi* de Dominica subjungendo *Commemorationem de Cruce*, & post hanc *Commemorationes Communes* seu *Suffragia Sanctorum*. In Sabbato 1. *Responsorium* : *Laudabilis Populus &c* sumitur ex III. Nocturno Dominicae I. Novembr: secundum verò (*Angustia mihi sunt*) & tertium (*Misit Dominus*) ex Feria II. eam subsequente juxta Rubric: 27. Gen: n. 5. *Missâ* pariter dicitur tunc de Dominica XXIII. atramen sine *Glor:* & *Cred:* ac cum *Benedicamus* in fine, & cum *Evang. ult:* S. Joan. Si occurrat *Festum Simplex*, aut ratione *Mensis*, vel Feriae II. dicenda sit *Oratio Fidelium*, tunc *Oratio* 2. erit de *Festo Simplici*, aut *Fidelium*. 3. verò à cunctis, alioquin hæc erit secunda, tertia autem ad libit: quòd si simul occurrat *Festum Simplex*, & ratione *Mensis* vel Feriae dicendum sit *Fidelium*; tunc si tantum 3. dicantur *Orationes*, 2. erit *Fidelium*. 3. de *Simplici*. *Col. Virid.*

Quòd si tota ea Hebdomas (id est Dominicam 23. post Pentec: antecedens) in casu, quo post Pentecosten sunt tantum Dominicae viginti tres, sit impedita *Officijs* 9. *Lectio-num*, etiam *translatis* (nam hæc quoque reddere diem, in quam transferuntur, impeditam, in postrema *Breviarij* Recognitione additum est) vel *Officijs* alicujus *Ostava* alicubi occurrentis, adeoque nulla sit FERIA,

aut dies, in qua infra illam Hebdomadam anticipatò fieri dictò modo ac ritu possit *Officium* & *Missâ* de Dominica XXIII. post Pentec: tunc iuxta suprà cit. Rubr: Gen. IV. n. 1. 4. & in Sabbato illius Hebdomadæ legenda est in *Officio Festi* nona *Lectio* & *Homilia* Dominicae XXIII. post Pentec: & de eadem Dominica faciendâ *Commemoratio* in *Laudibus Festi* cum *Antiph:* ac *Oratione propria* eadem Dominicae, versum autem (*Reple Sumus*) pro faciendâ ea *Commemoratione* desumendo ex Sabbato, in *Psalterio*. Simili modò faciendâ tunc est de eadem Dominica XXIII. *Commemoratio* in *Missâ* Festi, & sine illius *Missæ* legendum de eadem *Evangelium*: Quæ omnia etiam procedunt in casu, quò totâ Septimana Festis 9. *Lectio-num* impeditâ, in illud Sabbatum incidit *Festum Duplex* & *Classis*: esto enim hujusmodi *Festum* excludat *Commemorationem* *Vigiliae*, non tamen excludit *Commemorationem* *Dominicae anticipata* cum *de eadem* *Lectio-ne* in *Officio*, & *etiam* *Evangelio* in *Missâ*: Quia cit: Rubr: Gen: IV. n. 1. & 4. loquitur univèrsaliter, ac sine exceptione ullius *Festi Duplicis*. Rationem dat *Gen: Tom. 2. Sect: 3. c. 5. n. 9. fin.* At verò in *Vesperis* tam *primis*, quàm *secundis* nihil fit, nequidem *Commemoratio* de tali Dominica anticipatò celebrata, eò ipsò, quòd *Ritu* tantum *Simplici* *feriali* celebretur: at

proinde in Vesperis Sabbati omnia eodem modò dicuntur, ac fiunt, quò in Sabbatis præcedentium Dominicarum post Pentecosten : idèmq; etiam est de alia Feria, in qua, Sabbathò 9. Læctionum impeditò, quandoque modò antè descriptò ejusmodi Dominica celebratur ; cùm enim Officium de ea sit *Feriale*, terminatur id ad NONAM, nec habet 1. aut 2. Vesperas, nec aliquam Commemorationem in Vesperis hesternis aut hodiernis, de quocunque illæ sint, aut fuerint. Cæterùm si die præcedente talem Feriam aut Sabbathum, in qua, vel quo fiet Officium de Dominica XXIII. post Pentecosten, non occurrat Officium aut Festum 9. Læctionum, Vesperæ illius diei antecedentis totæ erunt feriales de die illa currente (sub Colore viridi) etiamsi postridie occurrat Festum aliquod simplex; quia enim de illo crastinum Officium ob Dominicam XXIII. cras anticipatò ponendam fieri non potest, nec convenit Vesperas de illo, ne quidem à Capi-

tulo dici, adeoque solummodo de eo Simplici in Vesperis illis ferialibus fiet Commemoratio, esto nulla in illis fiat, nec fieri debeat Commemoratio de Dominica cras anticipatò celebranda. *Arg. Rubr: Gen: XI. n. 10.* Vide dicta suprà de Dominica III. & seqq: post Epiph: in genere; simulque hîc nota, eos, quibus concessum est à Sede Apostolica, ut semel vel pluries singulis Hebdomadis, aut Mensibus possint dicere *Officium*, ac *Missam* v. g. de Ss. Sacramento, aut certis Sanctis, v. g. Ordinis Patrono, non posse vi talis Indultæ seu Privilegij id facere eâ Feriâ, in qua juxta Rubricas est reponendum Officium Dominicæ, die suo celebrari impeditæ, non obstante, quòd Feria illa, ad quam anticipatur Officium talis Dominicæ, sit tantùm *Feria minor*: nec etiam obstante, quòd in ejusmodi Indulto non facta sit specialis mentio, seu exceptio *talis Feriæ*: ità enim declaratum esse à S. R. C. 1706. 20. Martij constat ex dictis *Feria IV. Cinerum*.

TITULUS LXI.

De Dominica XXIV: ac Reliquis post Pentecosten.

DOMINICÀ XXIV. post Pentecosten (quæ antiquitus, cùm Dominicæ nonnisi XXIII. post Pentecosten numerarentur, spectabatur ad Adventum) licet non semper sit, vocatur tamen *ultima post*

M m j

post